

四百三十二峯草堂詩鈔

四百三十二峰草堂詩鈔卷第二十一

惠州 趙希璜 渭川

已未

萬峰庵和前安陽大令饒松圃

炯原韻

環庵一萬峰一峰環萬松何曾山色澹翻笑世情濃人影  
烟蘿外春光紫翠重老夫整遊屐健步忘衰慵

題惠州太守伊墨卿

秉綬

同年小照

洞庭八月湖水清衡文仗節來使星星輶酷暑過鄴下停  
驂杆顧齊年生漢碑五石同出土隸體初變新發硯摩挲  
竟日不肯去嗜好似我邱壑情我情朱生作長卷圖繪洞  
庭秋一泓岳陽縹緲樹隱隱蘆蓬欵乃風泠泠煩熱對此

覺頓減虛室生白空生明美人香草楚驪香木葉微脫君  
山青竒文衡以玉界尺繭紙試寫黃庭經棘闈校士選俊  
又優絀互見區涇涇茲圖留待使節至鐵網看載珊瑚行  
歸

朝榜錄上

天子門才屈賈儀

堯廷路旁抱璞識和璧波中鼓瑟迎湘靈果然復

命首稱

旨謂公乞外良股肱一麾出守典大郡風土久著坡仙稱  
詩人飽喫惠州飯菘羹難敵豐湖藤羅浮倘遇勾漏令齊  
語九轉還丹成

雨後行麥畦

千章夏木晚陰涼，布穀聲中麥穗黃。  
青笠綠簑農事重，課晴問雨長官忙。  
兒童共笑來何暮，詩句翻憐老善忘。  
豈是幽情寄觴詠，翳桑人待遺壺漿。

和龔曉山刺史

鶴鳴

邯鄲呂仙祠原韻

騷騷鼎鼎復猶圖，繪妍媸倩貫休。  
引得盧生欣就枕，真同莊叟喻藏舟。  
新詩夢裏迷離月，薄宦湖心浩蕩鷗。  
一覺三刀勞餽餉，勸君成化擬陽秋。

已是黃粱飯熟遲，青雲負我百年期。  
前因自笑生天晚，無夢翻憐醒者癡。  
仙骨幾人經點化，春風一榻正榮滋。  
菀枯不用唐生相，志在輕肥蔡澤知。

不將捷徑指南山天地爲廬逆旅閒顧我老行追往事此  
時椎碎解連環勞勞送客風塵外鹿鹿爭明燭火間祠廟  
試尋仙路杳幾多幽興落通闌

寄答稚存

天下婦孺仰君實

謂石君  
尙書

玉堂重睹坡仙筆詩情綿邈慰

相思書內殷勤詢治術耿耿愛

國忠

君心凜凜浩氣天人欽當言不言負吾學璜也久病呻而  
吟况沉下僚十四載以管窺天蠡測海日負鹽車上太行  
駿骨偏勞求郭隗芻蕘何敢騁才華緘寄狂言點未加幾  
見書生知大體千秋太息賈長沙

奉文寺

寺臨羨河奉祀周文遺像故名

太行西望鬱嵯峨白石長橋隱綠莎尚有奉文遺古寺不  
聞飲甲共洹河當年演易孤臣淚異日來朝麥秀歌天命  
妄談歸魏武試尋至德果如何

和門人雲軒學博四十見白髮元韻

壯當強仕年弱不勝替髮白頭何太早銀絲偏競發星星  
珠耀眼種種霜侵褐或老而童顏豈少嬰衰疾消息盈劑  
虛涇渭區以別非是華山蓮迺積太古雪笑無禿鷲來怒  
有華冠過日對苜蓿盤獨守歲寒切

修定寺塔用壁間韓正彥韻

受菩薩戒天保年巍然斯塔磨雙丸建德燬除所不到開  
元元昉志獨完衲衣覆裏白額虎燭龍咬住青琅玕布髮  
曾令僧踐地遺榮誰此來掛冠六趣三塗證聞見諸相非  
相神工刈雲光螺旋山外落一指禪豎空中蟠梵唄潮湧  
悟真覺簷鈴風靜鳴高寒猛公營剏於其間天城環繞烟  
林端羣虞震駭仰元化三驅威柄誇熨安孝文鑿駕詔親  
矚星珠海月經鏡刊雕楣繡棋緇衆聚行欄走楯曇花漫  
菩提說法降忉利芋火相對思懶殘遊覽好繼韓正彥詩  
情跳簸窮巖巒會心嚮往卧遊具衆山皆響澄懷觀岌岌  
欲飛疑雀躍碩碩爭動同鯢桓登攀信宿我忘返老鴉翠  
滑纖手盤

附原韻

魏齊去今逮千年歲時奄忽如跳丸山頭舊寺已五  
改惟有陶塔依然完此塔固與常塔異鬼神夜疊磨  
琅玕當時規模非世有肖形上擬天人冠陰工故欲  
露絕巧千態萬狀勞刻剞周環象馬就行列出沒蛟  
螭相屈蟠鬼趨胡舞衛寶幃四壁瑩滑琉璃寒常聞  
在昔隋唐閒高僧定坐隣巖端猛虎逐鹿到坐側覆  
之裳下獲全安由此揭名曰修定紀載異跡乘不刊  
時異事變人已往迴思日月空漫漫大業臺殿化塵  
土正觀碑碣皆皴殘孤標獨與石門固南有石門山間寂  
依舊安方壇僧殘地僻人罕到雲深水淨空林巒我



聞勝槩已兩紀今日邂逅來游觀搜尋遺事不可見  
感時弔古空盤桓周行數匝興未已西山落日銜金  
盤

夾竹桃

小桃紅夾竹萬葉綠垂絲嫵媚風搖後偏反雨過時龍蛇  
飛个个星斗影離離不謂炎蒸裏含芳爾亦宜

端木祠

小憩直溝驛欣瞻端木祠偶然權貨殖不幸識高卑於衛  
多君子規吳想異時聖門成德者百世總堪師

曉渡

斜月落中流黃河浪白頭催人如此老鼓枻竟何求帆影

一枝出風聲萬里秋蕭蕭還瑟瑟曉渡水天淨

長垣縣

金風初起警唳鶴玉露未晞開野蓮鈴聲鞭影長垣縣斜  
月在林思悄然

楊雲達

星耀

明經自懷寧來與之話舊至曉

故人十載別遠自懷寧來胸藏湖海氣面無塵俗埃行李  
荷一肩詩腸縈九迴紅葉滿江南黃河區清淮皆我舊遊  
路水色山光佳行行至鄴下永夜交談誼金風起簾櫳籬  
菊含芳胎置酒吏隱園慷慨繼以悲嗷嗷語不休瀼瀼露  
沾衣晨雞三五聲日出東方遲

校亡友仲則詩付梓不覺愴然

金華道上牧羊兒派衍西江第幾支

仲則爲文節齋孫

萬斛才源

傾似海一生困頓遇偏奇當年有願追君後他日何人校

我詩最憶椒花吟舫內風流宏獎筭河師

一身未遇庸非福半世能狂亦可哀

仲則別雅存句

每自手抄傳

好句會開拍案嘆天才

昔在筭河師座有少年以已詩方仲則者筭河師大蒙曰仲則天才

也主盟已占騷壇久獻賦同隨

翠輦來

丙申歲與仲則同赴津門召試

爲愛幽并悲壯氣頓教仙骨落

塵埃

題吳菘圃河帥神香嬰額圖

原跋云先公於乾隆甲戌在都轉任丁祖母憂會

淮郡二閘決口上以肩此任者甚難其人特

旨以先公改授淮揚觀察制府黃公

廷桂

欽使

策公

榜

奏報先公丁艱復奉

詔慰留視事及乙

亥予母唐太夫人以哀瘠之後致染沉疴訪得邢  
上一瞽者曹秋圃山人善禮斗時年已七十虔祀  
勿衰乃延致淮揚道署設壇以禱疾遂瘥圖內予  
方九齡拜於香案下仲兄年十四立於案左捧香  
立其右爲兩妹俱稚蓋自是而先公凡三任淮揚  
觀察淮揚廨內有燕喜堂堂之東有樓卽禮斗處  
其西曰補拙軒旁有小屋三楹顏曰綠雲予讀書  
之所也

步虛環珮聲丁冬神香夜炷噓天風孝子九齡跪殷顙母

壽願延齊華嵩曹秋圃來瞋雙目禹步禮斗心非聾婆羅  
門果化爲七乃在燕喜堂之東茫茫孰察上下理一一各  
具莊嚴容星君姓紀厥司未玉座第六樞則同元靈真經  
北斗第六  
星武曲紀星君未生人屬  
之唐太夫人以乙未生至誠有感感斯應元精飛注天  
遙通沉疴霍然忽若失勿藥那藉良醫功我時嬉戲甫十  
歲迷藏共捉年俱童嚴師督課有潘岳綠雲軒裏尋阿蒙  
亦猶鄰舍渴呼水措大眼孔誰刮矐回首四十有四載貴  
賤分越叨陪從展圖不覺淚先墮顧影頗似秋飄蓬仙籍  
改注趙顏老辨香今上曾南豐

再題振放護行圖

原跋云乾隆辛亥予擢任臬司是冬入 觀後回

至安陽時 朝命福公康安帥索倫勁旅西征不  
庭予奉 詔護送赴藏官兵自鄴郡至潼關出境  
越一歲紅旗奏捷大軍凱旋予仍由陝州護送過  
漳河海公蘭察實爲領隊大臣抵淇縣日有海公  
親軍恃強犯予予縛而鞭之由是將士肅然

貔貅萬里馳風沙藏衛一隅紛亂麻請兵稽顙僧達資誦  
經解厄八叶思巴

天子命度靖不靖廓爾喀在遐方遐上公奔走海蘭察偏  
裨躡躍同鎖鑰時維辛亥暨壬子索倫西邁過允吾五加切

班超軍所未歷處唐蒙檄尙多浮夸風行電掣蕩絕域崑  
崙水雪交嶮呀兩度來往僅隔歲明光細甲鳴銚鍛饒歌

聲繼露布狀錦馬超曲吹清笳櫓檣潛避燦星斗旌旗燭  
燿騰龍蛇大刀環上飛破鏡霜月滿林斜點鴉振旅護行  
我公至璜亦鄴下瞻虎牙曾聞軍士入民舍縛置行館鞭  
笞加淇泉湯湯流日夜洋溢公德於無涯

再題河北賑撫圖

原跋云乾隆癸丑甲寅間河北三郡以沁堤決口  
兼值衛漳二水異漲所在漫溢淹沒田廬予飛章  
入告得旨給災戶口糧一再加賑並分別漂  
損廬舍量予修葺之資白叟黃童莫不歡慶更生  
奪波濤而登衽席予時星征露宿徃來於彰衛懷  
之間兼設法疏消積水自秋徂春凡七月餘未嘗

安枕也

帝曰河北黎民饑汝搆帑金往賑之飛章

嘉予先入

告沁衛異漲衡漳災田廬漂沒變巨津波濤汜濫奔轟雷  
一雨十日不肯住人身魚首爲厲階斯豈河伯肆苛虐青  
疇綠野蟠蛟螭庚辰手戮桀鷲者淮渦掣鎖來游嬉茫茫  
大塊攪銀海嗷嗷婦孺巢居啼村井孰是立錐地鳩鵲間  
聞懸釜炊數十萬衆待公哺璜也查勘會親隨星征露宿  
七閱月窮簷僻壤奚怨咨按口予之一再賑區以極次靡  
有遺此是體

天好生德林林總總環相窺得遂所欲免凍餒各復其性



忘瘡痍流民無須繪鄭俠股肱重任明良時

哭武虛谷明府

億二首

洛下無雙士超然第一流  
疏經扶賈鄭成化擬陽秋  
冀永名山業翻添宿草愁  
他年傳文苑掩淚過西州  
一笑官如寄人傳赤棒名  
大牙心已折上相慍難平  
強項真賢令清操有定評  
吾儕敦氣節端不負平生

哭欽州馮季光明經

敏曙

慟哭文人得天淺  
蕭條古寺寄情長  
日南血淚枯銅柱  
海角悲風黯越裳  
小我十年同手足  
深交廿載矢肝腸  
索居久抱離羣恨  
腹痛何能寸步忘

雜詠

團圓明月光照見屋上霜美人與皎潔中宵起旁皇皓皓  
冰雪肌硜硜金石腸謂以貞歲寒胡忽晞朝陽薄植盛名  
聚言詞慨以慷曠世稱逸才一鬼嚙道旁膏火還自煎我  
心儀蒙莊

秋高萬木落日夕一山紫樵響天風吹聲出滄浪水濯足  
與濯纓伊誰聞濁清毋爲盜虛響尙哉珍令名

傾城好顏色擅寵正專房縱橫連理枝遊戲雙鴛鴦詎信  
能棄夷撫膺填悲傷紅絲牽月下紫燕栖空梁三春楊柳  
花一朝輕風颺決絕恩意改然疑心難忘忽理鏡中髻知  
非舊容光

西望崑崙山玉水出其下方流向東來詞客尋源寡風流

佚檢閑笑罵起杯尊豈甘玉可碎轉憫全亦瓦蕭然萬里  
行幾見生還者燈影與機聲良朋苦描寫

黃徵君祠

祠在正陽縣治西北隅昭文張子恂秀才夔客游

汝寧往拜祠下言於邑令重加修葺吳竹橋祠部

蔚光

撰記馬朗山廉使慧裕書石葉桂樵郡守元

符

勒諸祠中

汝南月旦黨祠起天下模楷李元禮未見汪汪千頃陂安  
知子國有顏子道周性全無德稱不夷不惠罔訾毀四十  
八歲號徵君若及孔門其具體明哲保身良獨難鄙吝復  
萌誰去址曉曉易缺噉噉汗一人就吏千夫指臨朝嘆先

佩印綬瞻烏恨昔多臧否或行或藏區用舍陳蕃郭泰交  
終始遂使公卿擁簪迎更相標榜從風靡大書憲卒紀延  
光千六百年儀慎水崇祠報賽仰碩人橫議何曾譏處士  
送李墨莊鼎元中翰充副使冊封琉球用周海珊尙

書紀 恩原韻四首

大鵬左翼蔽東荒俊疾爭馳日月光山海經東荒之中有山名曰臺明俊疾日

月所出石室投壺招玉女神異經東荒山中有大石室東海王公居之恒與玉女共投壺

珊持節煥金章海珊尙書於乾隆丙子充副使冊封琉球雙龜山隔斷花瓶嶼名

三島氤氳龍腦香遙盼蜀人前後至葵心西向

聖恩長

吼龍比飾共雕題祝祝叢祠鎖碧闈琉球五嶽蓋是國人慕中華而做名之祝

祝天孫氏女 洋舶快收姑米港天孫笑執蜃樓圭占星早  
卽嶽神也

辨浮楂客投栉真同拂浪鷄以木栉從船頭投海中人疾趨至梢人栉同至謂之合更

人先栉爲不及更 四十四年能守禮坊名常與萬松齊守禮坊距歡會門約半里許世子例

迎 詔勅於此萬松岡亦地名

品服先隆上相纓勲名看樹太常旌身從

北闕銜

新命氣始東方好右行霸業尙遺豐見址豐見城爲山址南王故址詩

人豔說錦官城鯨鯢來導波濤靜雨雨風風筆落驚

歡會門開震兌官中山王宮西向欣瞻行合與趨同赤鯉屢致坡

仙詠黃帽猶傳海國風海珊卽事詩海船合同黃帽住永仙元共赤鯉歸注云接封大夫皆

黃帽又注云過釣魚臺有大鯊魚隨舟 祇

命世隆荒服外如潮

恩湛日華東四家勲舊應如故毛馬崇班接向翁

毛馬向翁爲疏

球四  
大族

附原韻

帝德如天被八荒東瀛重譯奉 恩光九金禹鼎圖

方物五玉周班載國章石室舊緘黃紙貴露華新浥

紫泥香恰逢禮樂陳 王會海表河源地共長

詔選儒臣入 睿題恩華先已耀金闈撫衷何分堪

持節在聖猶兢是執圭豈有文章同炳虎須知珠翼

不濡鵜一朝冠服分槐省稽古榮叨五等齊

底事 清時問請纓遠將 鳳簡颺龍旌四方自足

明初志萬里真堪屬此行到日聚觀香案吏趨程飛  
渡化人城平生風浪輕三峽况際鯨鯢久不驚

海外孤城島上宮 皇威遐暢百靈同鼇頭遣護三  
千水鵬背招生九萬風望 闕每依天極北乘槎果  
到地維東遙知此日成都市定有星占賣卜翁

和童進庭大令 巨探春圖原韻

香雪九千仞環珮天風近下界春從上界生山容佳處煙  
嵐隱一笑誰嫣然大珠小珠錯落相聯翩銀海迷離三島  
媚玉峯高聳十分妍一枝巢鶴子縞素衣裳明似水廣寒  
宮闕果何如姑射神仙今在此子鶴妻梅更有人畫圖恂  
恍老閒身幽情何遜揚州興詩意林逋湖上春南枝早北

枝好鳥語新日出果粉臉勻鋪蛾眉澹掃那知陽城下蔡  
傾人姿揭來荆榛枳棘浮雲披晨星幾點散落落岑崟萬  
首攢嶷嶷有情莫被無情惱此心夷曠同莊老合使清竒  
結淨綠頓教冰雪盈襟抱挂月羅浮夢境看詩成不許付  
騷壇松風亭下遷流客早寄瓊瑤銜彩鸞



四百三十三峰草堂詩鈔卷第二十二

惠州 趙希璜 涇川

庚申

斟錢獻之帖十經文字通正書

原叙曰十經者何一周易二尙書三詩四周禮五儀禮六禮記七春秋左氏傳八公羊傳九穀梁傳十論語也攷十經中文字之通假故曰通正書也粵若叶古倉頡作字依類辨物形聲相益由是有處事象形會意籀聲轉注假借六書之例蓋五者以定字假借以救其窮假借者通正之義也字少用繇旁通牽屬依古然矣至於諸經經夫子刪定

弟子授受同途異趨一端百緒沿襲既久聽遠傳  
疑漢世經異師師異教學有專家分門不一故多  
誼一字殊聲同音別溯其原雖有主而歸推其流  
恐至噴或亂夫木歸於本水歸於末數典忘其祖  
識者所鄙歸異出同流君子取象將使雜而不越  
引而能伸則機縷之絲必綜依托之用常昭矣康  
成注經所以有讀如讀若當作當爲或作或爲聲  
相近聲之誤諸說與夫通之言同爲異文一理正  
之言準乃殊義一宗通正之緣因聲因字兩例摠  
之何謂聲則語言是何謂字則偏旁是語言則臣  
爲辰鼻爲舁是曰聲同禪爲道宗爲臧是曰聲轉

偏旁則工爲功功亦爲工正爲征征亦爲正是曰  
互通父爲甫又爲專方爲旁又爲謗是曰類通又  
搆見詩風左傳謂之冰搆見左傳周禮謂之鑿窔  
見周禮檀弓謂之封左傳謂之塉毘見月令曲禮  
謂之漬公羊謂之瘠倘不同條共貫曲推旁穿何  
以理羣類究萬原哉故此書務推衆說以究斯義  
又秦隸盛行篆法漸廢改易殊體下筆無常如球  
之爲泣救之爲葢直是別譌大乖形用或刀削謬  
施斷爛致變則芟夷溷於發夷勞勑同於救法魚  
豕舛惑又則然矣凡經所承用則云經作以示匡  
救千里之行始於足下九道之道分於一門讀書

必先識字識字要在辨言辨言先觀爾雅雅言首  
及詩書先聖之教不當景行與夫遵篆素以壹九  
垓則靡差扶寸推經典以求百代則不失毫釐因  
以鄙見纂成書一十四卷其部分一依說文解字  
崇所本也如曰不然請俟來哲

通同正準聲字緣說文之學今茫然依類辨物源倉頡斯  
承籀篆古意存靈文蠹簡世莫考禹穴孔庭誰討源大尉  
南閣祭酒慎東觀對書建初年五經無雙載范史說文解  
字凡九千變隸變楷正其失衰詞巧說難與傳辨言要先  
觀爾雅訓詁廼在音聲并據形聯系萬原究建首立一爲  
之耑吾友錢子仿此例恪遵篆素窮丹鉛十經文字童所

習魯魚亥豕空磨研斯書部分許氏學獨成一代經師言  
以惠士林豈舛惑同條共貫奚間焉

蘭花前得句

香味不聞因坐久詩情偏覺與花新謝莊閒雅當如爾太  
傳庭階大有人何事芳菲三月雨早紆青紫一枝春雍州  
莫遽評優劣我已延爲座右賓

卽事

離離春影夕陽斜策蹇尋春興未賒巨甕釀成千日酒小  
園澆徧萬叢花雲中雞犬劉安宅洞口烟蘿仲蔚家肆志  
不如貧賤好丹崖青壁嘆人遐

林縣鄒霞城大令

蔚祖

以紫團參見餉用蘓題寄王

定國韻

林慮上黨脊斧削肩高頂誰畫維摩詰現此金粟景幻毓  
紫團參囊脫管城穎亦自谷谿衍豈必產陘嶺根露春蠶  
頭猱裂巴姬瘿求仙希上藥齧齧志未騁何人烹嬰兒糜  
身塵外境霞城來作令似乞勾漏井靈苗海腴孕樂山仁  
者靜持空罌風昇乘躡天機秉嗟爲聲利役浮生常鼎鼎  
欲和石髓嚼有癖同嗜茗

和周東屏少司農使蜀追步周文恭公癸巳出使成  
都次少陵將赴草堂寄嚴鄭公五首元韻

岷卽詣訪構三都又繼尙書綰使符

天語口傳歸錦里棧雲跟底接青蕪星昭銀漢瞻仙仗春

暖耶筒憶舊酤聞道軍中稱老子前徽遠紹范堯夫

去鴈離鴻與應蘋師涓譜就樂中春吟詩高挹騎鯨客望  
氣先知賣卜人迎送道周關尹侶峻嶒華頂木天鄰由來  
嶽瀆輸忠順

祀典榮邀

寵命新

明信親將薦澗溪行旌綠映更紅迷雞頭關立千岩上玉  
局天開一角西雲影山光攢閣道落花流水印輪躡草堂  
春色渾如昨濯錦江頭燕拾泥

賡韻涪東凭曲欄歸舸瞿峽下長湍

綸扉久契鹽梅望珂里欣儀道德竿往事風流追杜甫大

名鄭重誌韋丹

文恭公會任  
江西學使

兩朝忠孝傳家久，軾轍文章况二難。

風採前賢補廣微，政求循治得翁歸還。

朝定復陳民隱抗，疏曾聞摘吏非豈必。龜虺仍結習，翻憐猿鳥太忘機。蠶叢馳徧唐蒙檄，直指無須遣繡衣。

附原韻

春風回首出 皇都楊柳青旗擁，節符嶽瀆聲靈廻。  
北極鄉園曉藹見，平蕪三川到眼渾如昨。尊酒重來  
莫漫酤，正是咨諏銜。命日未須簪筆咏征夫。

稻畦麥隴間溪蘋，九夏風光接九春。西顧每因勞

帝眷，東來深爲念鄉人。莫教刀劒紛成俗，只此鋤犁



好結鄰 聖德如天同覆載待除舊染予維新

草堂近接浣花溪細雨尋芳路未迷雲意不隨風上  
下詩情常憶灑東西明堂清廟懷朱瑟小破平林老  
玉蹠慚愧遭逢膺 盛典封詞親見煥金泥

憶駐星輶倚碧欄光陰廿載似風湍靈根共仰松千  
尺清節常留竹數竿檢韻重賡雙鬢白酬 恩一樣  
寸心丹永懷德望兼公望仰止前修欲繼難

渝城東下戍烟微峽樹江雲計日歸夢想松楸常在  
望懸知桑柘未全非文成諭蜀慚無補 詔許還家  
覽息機兩世依 光趨禁近敢將詞賦遂初衣

姜貞女行

離離原上松漠漠澗旁栢  
窵禽巢樹杪日銜填海石  
爲問松栢何長青爲其歲  
寒心獨貞海水不枯石不  
爛紅珊瑚老霜風清霜風  
肅肅窵禽蒼忽化慈烏烏  
反哺烏反哺兮烏夜啼松  
耶栢耶何淒其聲滋別鵠  
離鸞悲

散步

花意欲移紅一夜春風雨  
散步下庭除初曦上廊廡  
鳥喧不避人吟弄情如縷

和周春田吏部督學黔南小集署中卽席賦贈原韻  
續紛彩翰寫瓊篇荒怪竒聞問子年棘院分題追往事星  
軛此日續前緣客中對酒歡云爾雨後看山色蔚然趙壺  
尙存窮鳥賦大賢幸遇肯矜憐

寒籟驚秋落翠芬  
長天嘹唳塞鴻羣  
爲尋舊碣韓陵字  
又讀新詩石鼓文  
持節夷門推大雅  
採風羅甸待區分  
自慙一藝難精進  
童習而今白首紛

楊蓉裳

芳燦

員外自蘭山過鄴阻雨招集衙齋用其

喜獻之過平涼阻雨小住次日遊柳湖書院卽事  
賦贈原韻寄懷獻之兼呈蓉裳

驚聞掩六翮  
羽翼銜周周  
翻憐辨雞肋  
歸計堅楊修  
與君十年別  
折腰迎督郵  
秦豫何間阻  
山川鬱相繆  
束帶伺道旁  
作吏唾麈頭  
久踈促膝譚  
時觸彘恨由  
今晨蓉裳來  
邂逅心意投  
白露凝蒹葭  
大火方西流  
聯句慚石鼎  
霜髯吟結喉  
深情韓孟交  
小憩征鞍留  
得遂平生歡  
願附風雅軸

天孫織月邊雲錦蒙茸裘倏忽化爲雨三日不暫休我拉  
蓉裳住秋高山骨浮讀遊柳湖詩琅玕充珍羞羨君會合  
因鵠侶聯鴻儔恍嵩高伊洛偶洪崖浮邱遠續蘭臺聚快  
慰黃中劉翩然披碧霧何人騎赤虬苦詠笑成僻雷轉枯  
腸搜感君病風痺懷我情彌道纏綿同白傅高潔追周穆  
移書寧引黨嗟尹復竄歐檢點曩日書隻字今寶收俛仰  
心慘怛懔恍耳聊啾寒牕夜皎晶落葉鳴颼颼夢見故人  
至把臂天際遊丁東環珮聲鶴唳羣仙稠芝田未荒蕪瑤  
草新芽抽沉沉鐘鼓寂耿耿星漢幽廣寒宮密邇叢桂枝  
交穆誰歟種桑麻亦自富蝦鱖問客來何方仙凡迥不猶  
若言長住此可使沉疴瘳醒尋夢境綠身逐波上鷗兩地

各飄泊萬緒生離愁出形而侈性本附贅懸疣文字斟酌  
正我頓開昏眸部分遵篆素躔次區斗牛振贖名理飫展  
卷與義求窮其所已有知道神勞謀從此味經畬逍遙事  
耘耬

附原韻

故人不相見彈指星紀周吏道坐自拘非關路阻修  
豈無空中書往返勞星郵不如一摻袂中懷罄綢繆  
聞君奉官符轉餉天西頭我時寓朝那孔道識所由  
今晨當關報果見一刺投倒屣出迎君喜極涕轉流  
無從訴離緒欲語舌在喉勸君且安坐約君三日留  
是時天久雨塗潦妨行輶積陰晦原野五月披羊裘

官行雖有程遇雨可小休爲君敞虛堂山翠當檐浮  
斷酒啜茗瀟加餐薦芹羞君才最雄獨說經世無儔  
辨三倉五雅証八索九邱高文儷崔蔡傑句凌曹劉  
尤工篆籀文腕底騰蛟虬凡將急就篇上下窮研搜  
坐客乞君書落筆神明道斯冰去未遠隻字如琳琅  
布策妙管郭說劍追風歐龜枚與鳥卜絕詣靡不收  
高談析羣疑四座無喧啾次日稍開霽雲駁風颺颺  
城西有講院柳湖佳可遊方池一碧淨雜樹萬綠稠  
冥冥野竹交獵獵塘蒲抽地偏人跡絕空靜禽言幽  
小憩偶藉卉高尋或塞樛灑灰禁吠蛤持竿釣沉鱗  
風光信可戀欲去還夷猶君懷踈且曠我癖堅難瘳

共是湖海人，狎鷺盟閒鷗。歌呼拍銅斗，長年不知愁。  
如何墮塵障，觸處生癡疣。我齒齷然脫，元花驚君眸。  
誰憐汗血駒，竟作蘭單牛。有書身無事，此外寧多求。  
願言就魚麥，與君執手謀。江干買薄田，相對操鋤耰。  
長母相忘漢瓦歌

相連愛相連，愛長母相忘。矜絕代篆文四字瓦，團團廻環。  
一片紋當對未央，新漢宮春金屋娉婷貯。美人魚鱗不化，  
鴛鴦鳥椒殿難揚東海塵。

追和稚存同年遣戍伊犁紀恩原韻

何曾少賤慕肥輕，本自官階是裏行。金馬一時戈壁去，玉  
門萬里雪山橫。從知燈影機聲淚，早共忠肝義膽生。追和

君詩還擲筆爲君句好琢磨成

附原韻

暫離三木卽身輕忽綴元戎後隊行

尙書那彥成亦於是日奉命

率禁旅

赴軍營 天上玉堂虛想像道中金甲尙縱橫預知

前路應長往從此餘年號更生隱卧側輪車畔好圍  
屏幾夕夢難成

再和稚存奉 特旨自伊犁釋回紀 恩原韻

經術臣雄荷

渥恩

九重

鳳詔返羈魂



特頒異數開言路趨宥孤兒共愍孫鬻雪親看蕪武節上  
書回首魯班門離家隔歲江南夢一棹扁舟黃葉村

附原韻

如天 聖主沛 殊恩料理投荒未斷魂一體視猶

同赤子十旬俗已悉烏孫詎留齒髮歸銅柱溫都斯

堯時所立銅柱塞外人死者魂皆歸之如中國之有岱宗云真戴頭顱入玉門他

日荷耒農事了築廬先署海西村

擬鄴中樂府

當塗高

魏志載許昌氣見於當塗高當塗高者當昌於許

當塗高者魏也象魏者兩觀闕也

四三二四五書金卷二十一  
當途何高當途何高鬼山禾女魏闕岩堯浮雲爲蓋通青  
霄金鳳鼓翼聲脩脩長歌氣出唱桃花滄浦浪六龍驂駕  
乘風行仙人玉女環相向總帳空懸望墓田三臺猶紀建  
安年繁絃急管歡娛盡賁履分香脯繡前

塘上行

蒲始生池水清下有比翼鴛鴦相和鳴蒲葉綠薰風煥下  
有並蒂芙蓉交綺縠毀嫡讒新曲苦辛裂衣掩袖巧敷陳  
從來立賤曹家事試問踞機舊日人鴛鴦飛去蓮心苦妾  
在深閨不能語裁縫紉素造衣裳仰視參商淚如雨

雀臺怨

總帳冥漠西陵茫茫君王遺命分餘香月朝十五登臺望

佇美目以羣悲掩雙袖而徘徊銅雀奮尾不得去明月當  
牕空復來君不見相飛相喚着鎖絆侍中歌舞貂蟬榮合  
歡錦袴金縷衣漳水東流魂夢斷

天井堰

相州圖經載天井堰武帝所作凡二十里分十  
二堰相距二百步互相灌溉一源分一流皆懸水  
門所溉處名晏澤陂故魏都賦云澄流十二同源  
異口蓄爲屯雲泄爲行雨也

決漳水灌鄴旁終古斥鹵生稻梁屯雲行雨歌魏王澄流  
十二跨石梁水門懸處分流長蕃廬錯列充芋薑均田畫  
疇饒柘桑君不見漁洋高穴村東西山岡石骨千仞梯建

瓶之勢高逐低青青萬頃排春犁

釜豆泣

釜中豆悲顛覆釜下其等戲嬉相煎何太急同根思往日  
驚看八斗新詩出生憎七步誇投筆悽惋來朝遇洛神明  
璫翠羽說前身參商自隔東西面最不忘情賦感甄

二女嬪

黠鼠虞書堯典文許昌二女新來嬪鄴中都是漢廷臣建  
五年換黃初春三恪分封遵故事英皇釐降非滄汭彼穠  
開遍桃李花先世偏稱刀筆吏絲繡本自詠同心易代難  
言寵眷深山陽尚有曹皇后不作長門白首吟

右曹魏

金鳳飛

鄴中記云魏太祖都城之內諸街有赤闕南面西頭曰鳳陽門上有鳳二枚其一飛入漳水其一仍以鎖絆其足鄴中舊歌曰鳳陽門南天一半上有金鳳相飛喚欲去不去着鎖絆

樓六層天一半雙金鳳相飛喚欲去不去漳河晴颺颺其羽喙喙鳴朱柱白壁耀鄴城轆轤回轉銜緋繩鎖絆誰憐足上釘乘風含睇搏南溟

莫難扇

鄴中記云石虎作雲母五明金箔莫難扇此扇之一名也薄打純金如蟬翼二面彩畫列仙奇鳥異

獸其五明方中辟方三寸或五寸隨扇大小以雲  
母貼其中細縷縫其際雖罨畫而彩色明徹看之  
如謂可取故名莫難也虎出時以此夾乘輿

莫難扇春風交便面春風人面映桃花紫陌虹橋夾彩霞  
翩翩蟬翼欲飛舉獵騎輕盈來太武春風且緩扇扇底微  
和人不見金箔明雲母輕雕鏤復彩繪嫣然一笑誰傾城

櫻桃篇

男皇后女尙書誰歸艾豸定婁豬歌者歌泣者泣誰釣鯉  
魚不盈尺鯉魚風起擢櫻紅黃鸝銜入昭陽宮高裏楊花  
好長門粉黛空快牛犢子破車雄桃葉桃根笑語濃

一鈴鳴

一鈴鳴一鈴鳴棘子成林柱下生蒼麟白鹿游榛荆鵠雛  
之頸長一丈吱吱吡吡聲噲咄胡于洛度胡于洛度純灰  
未洗腹腸惡毆乎毆乎流血腥羣羊負魚掃彗星

右後趙

韓陵石

一片石何巍巍賀六渾被爾朱歸於時永興之元閏三月  
稱功述德樹此穹窿碑翔鳳紛相嚙飛龍蛇俱躍含任吐  
沈肆雄文陵顏轅謝誇鴻畧雨雪霏霏楊柳依依年去年  
來戰士衣何以文章邢魏齊濡染大筆忘風詩

九龍母

城上執役真吾夫跨牛憔悴奔爾朱聞公有馬十二谷那

及九龍之母避舍迎茹茹得獺有何利失景亦何利一袍  
一袴手親寄父龍兄虎折高竿那及九龍之母春秋六十  
二三臺置酒笑歌聲作孝緋袍服武成浴海當年徵夢兆  
童謠此日淚縱橫

遷石經

五十二枚移學館生徒誰結鴻都伴儒風敦述十經多髦  
倘可能千兩滿凜凜中郎書匆匆遷鄴都載酒問奇字誰  
辨魯與魚當時三才爭艷發恨不七子同楷模笑校書一  
何愚悞書思之適腹笥便便富五車

紫陌醉

舉鞭行舉鞭行紫陌橋頭醉未醒稍騎合圖云刺殺諸臣



幾解羣哀鳴官家醒百官生漳浦桃花春浪晴道左是誰  
鳴不平勸爾一杯酒頻傾君不見齧臂之虎遺世情前有  
慕容鞭鄴城

### 石輦門

石輦門在水井臺上俗名轉冰洞卽後趙之凌室  
也鄴中記云水井臺有屋一百四十間上有冰室  
室有冰井井深十五丈藏冰及石墨今窖上石銘  
尙存北齊時重修之其文曰大齊天保八年九年  
修銅雀臺石輦之門百代之後見此銘者當復知  
之案漢書注師古曰隆穹所謂車輦此記石輦之  
門門形同於車輦也釋名輦藩也蔽雨水也

天保八年春三月維時大熱人病暍九年鄴下三臺成冰  
井改作崇光名新宮賦詩飛金觥摩挲我撫石輦銘百代  
之後涕爲零隆穹誰轉車輪冰祈雨不應豹祠毀城東馬  
射飛彤矢婦女來觀軍法明那信道旁人暍死

貧兒村

華林園裏貧兒村華林園外愁煞人大蝟已成高末兆小  
憐空對鏡中春無愁天子無愁曲手抱琵琶藍縷服交易  
躬爲乞食兒駸龍亦進道遙目假髻何妨盡勢遊金囊繫  
馬走青州大家去後無消息誰過齊宮賦黍油

黃花落

黃花榮輕霄點黃花落清觴酌天王后璽獻官家營造真

珠七寶車瓠蘆月照鷓鴣鳴夜舍利光生解語花滿杯不勸  
長庚飲內殿宣經墨獻寢黃花開落秋復秋大寶林中倍  
淒涼

更合圍

殺一圍更一圍嬌啼同勸大家歸晉陽驚報周師到獵騎  
歡馳蝶夢飛五龍門斬仍迴業紛紛恩倖投降牒稽首君  
王乞淑妃又向長安作臣妾

右北齊

題孫藥嵐大令竹隱圖

興公忽發蘓門嘯文舉初空北海樽我豈逃禪堅酒戒君  
先招隱詠田園依山種竹開三逕作吏何人淨六根知有

遠師勞過從生天成佛與重論

喜余二月珂鑰至

珠江一爲別廿載寄情遙尙守青編舊堪憐素髮飄此官  
真吏隱署有吏隱園訪我問民謠熟讀陶潛傳生憎是折腰

師門景韓愈浙水望龍游恩誼方千重風翰斥鷃羞苦爭  
腮未暴入散網初收已亥希璜舉於鄉卷出龍游余慵樓師房復中副榜師苦爭之始得售

對子增惆悵名場似我不

鶴泉同年集青蓮句作觀荷圖索題畫嶺

幾時開到青蓮紅青蓮句集腕底工此間老子容慵傲翩  
然白鷺飛西東青蓮化爲赤青眼爲誰白手持團扇搖清  
風前身已占霞城籍

上馬朗山方伯紀功詩一百韻

維

天子聖哲

鑑事理幾先

簡方伯重任

命我公旬宣自秦而徂豫嘉慶之五年關中轉運勞建言  
租賦蠲斯民懷更生耕鑿得所便崎嶇南北棧濼滌橫斜  
牽老林成劫燼茅店無炊烟行路倍悽惻居者鮮寸椽夷  
門公再至支用百計填軍儲汰冗食孫吳素沉研十圍與  
五攻達理先明權股肱心膂寄德藪道之淵時屆秋七月  
大火流西躔寶郊民不靖梟獍聚以千羣醜互煽惑倡教

稱白蓮原是金入罏分明埴在埴堪憫逸無教豈其飢不  
餒心失所生厚性竟爲物遷見異眩耳目沉穢澆妄泉莫  
可勒美惡奚以區媿妍潛匿魚避餌委蛇蠹附羶彌望芒  
刺拒舉足勾藤纏羶起塵蔽野水激波成漣踪跡旣詭譎  
來去紛跼躄因鼠發強弩爲雞揮巨拳謂負嶠據險詎朝  
榮夕焉譬如莠草生嘉禾萎甫田譬如音靡靡衆響忘闐  
闐譬如蛾赴火譬如膏自煎邪說蠱蒸庶經咒交礙禪乖  
氣化厲疹雌霓垂連蜷當車螳螂躍映水機槍縣或短兵  
長稍或後伍先偏或左衝右突或袒臂交肩肆咆哮抗拒  
已怙惡不悛况首逆之協似鬼蜮勾連僞托禍福因詐稱  
彌勒禪根基誓香火打丹卜筵筭網始扶溝逸禍遂楚北

延首逆劉之協於乾隆五十九年自扶溝縣逃匿後卽赴  
襄陽縣之雙溝等處勾結匪徒至嘉慶元年起事以張  
基錢打丹銀燭或黔首茲復竄入寶豐縣之翟家寨糾約  
李岳等謀逆爲同行之冀大榮赴葉縣投首始行弋獲  
村井苦焚掠婦孺悲繫驚輾轉翟家寨草木滋矛鋌跋胡  
狼貽行掉尾蛟流涎翻攪逞荼毒齟齬忘方圓虺蝮工跳  
梁爪蔓糾助綿黠智么麼細熾猷蚩尤輝麗綠莫窮木偏  
自誇輕翮豺棄所不食誰復與灌漭攘奪競格格委積憐  
茆茆寨前築戰壘屋頂啼饑寫四向縱殘躪萬戶增結悵  
簪蚤恣暴戾嵐霧腥吹扇儵儵而嘒嘒瞑瞑而躑躑吁嗟  
民作慝非以乾餱愆蜂屯氛禔起電掣羽檄傳公帥五百  
衆席卷風馳遊鼎阿運襟抱金鼓聲鳴天設奇早制敵扼  
要期控咽寶刀光耀日嚴令寓捕蟬雷吼三軍震虎變百

獸陸威建懲大懲法立烹小鮮殄此始朝食妖疴待公痊  
義夫競奮勇壯士羞獨全棹樽計強弱句刺明彈蜎縱控  
雲之車閃爍電作鞭濟濟衆材會森森松桷擬元戎鎮帷  
幄寶燾飄蜿蜒參差燃烈炬歆煖騰長孺灑涕誓爾衆協  
力圍巨狴紛飛鳥雀散疾趨來鷹鷂豈必攻不備作氣厲  
無前豈必輕進取持重方摧堅豈必拔幟走致師摩壘還  
我公決勝負聚米成山川賊情雖叵測料敵明中邊指揮  
誠將士母擾市與廛母使一夫冒母使一夫填母取一束  
禾母名一个錢母妄垂步武母妄越陌阡爲將共凜此士  
也胡不然用命斯克捷違誠寧曲憐果以少制彼就戮首  
爲駢忽轟巨礮去忽擊首隊顛結伍整以暇縱轡旗親攀



遂附土城壕雲梯爭攀緣公鼓不絕插火柵羣賊焉兵猶  
未血刃弓猶未弛弦冰離同葉散劉逆竄郭卷卷城在  
葉縣南瘳  
狗挺忘吠鬯兎急聯祿偵其豆入口本自鼻已穿儼沸湯  
沃雪儼行夔憐虻繫頸載檻車歡聲騰泥鞴飛章達露布  
帝曰惟汝賢

### 酬庸膺

懋賞世爵頌絲聯

恭讀

上諭

馬慧裕

奏剿辦

寶豐

縣事

滋寧

事

輯一摺覽奏欣慰感謝天恩除安撫良民地方即時寧  
徒聽從劉之協勾結起事攻掠村庄肆行滋擾馬慧裕一  
得稟報帶兵卽往直前進剿鎗斃兼施轟斃賊匪二百數  
十名餘匪退入翟家寨內馬慧裕復督率官兵設法攻擊  
打破寨門生擒偽元帥李岳偽總兵孫繼先復斃賊六百  
七十餘名各隘口截獲活賊二百三十七名匪徒無一漏  
網一日一夜全數肅清辦理甚爲迅速此實馬慧裕一人  
之功且因此次匪徒滋事設卡盤詰將著名首逆劉之協

拏獲尤爲快事馬慧裕着賞給騎都尉世職候補叅將署  
遊擊亮祿首先帶兵躍馬過溝實爲超衆出力着超陞副  
將先換頂戴仍賞戴花翎遇缺卽行奏補仍交部議叙河  
內縣知縣劉元吉帶領義勇武生等一同搶過溝西鎗斃  
賊匪多人亦屬奮勇劉元吉着以知州卽陞先換頂戴亦  
言交部議叙並着該撫吳熊光將在事出力各員及義勇  
武生等查明具奏候朕酌量加恩至萊縣知縣廖寅能將  
邪教首逆多年漏網之劉之協擒獲實屬能事非尋常拏  
獲脫逃匪犯可比廖寅着超陞知府遇缺奏補並着賞戴  
花翎所有馬慧裕原帶兵五百名續調襄城營兵一百名  
又吳熊光檄調來郝會剿之南陽兵二百名打仗均屬出  
力着各賞給一月錢糧其被賊滋擾地方着卽查明將本  
年應徵地丁錢糧加恩寬免所有陣亡傷  
亡兵勇着查明咨部賞卹並發欵此

煌煌仰

硃筆

巍巍秉

陶甄

恭讀上諭豫省將劉之協解京後令軍機大臣會  
同刑部連日審訊業將起意謀反各情節供認確鑿

昨廷訊後卽將該犯凌遲處死然辦理劉之協之故並非  
因該犯係白蓮教首遂加以極刑也劉之協假白蓮教  
傳徒收根基錢打丹銀爲名其原不過歛財起見迨後行  
之日久不能哄誘愚民遂買王雙喜詐名牛八指稱朱姓  
後代又將劉松之子劉小兒託名彌勒佛轉世可以輔牛  
入希圖箠動衆人謀爲不軌其罪在此我朝之列祖列  
宗厚澤深仁凡在編氓無不軌其罪在此我朝之列祖列  
代後裔誘惑愚民有心謀逆實屬罪大惡極從前鞏稱  
松宋之清等破案時劉之協在扶溝間信脫逃家皇考  
屢次嚴飭各省購緝原因劉之協係屬謀逆要犯不可  
迅速擒捕初不因其傳習白蓮教之故彼時各省地方官  
未能仰體 皇考聖意以查拏邪教爲名四處搜求任聽  
胥役多方勒索不論習教不習教只論給錢不給錢以致  
含恨之人與習教者表裏勾結藉無可容身之名紛紛蠢  
動起於襄陽蔓延川陝迄今荆辦五年尙稽蘆專其實劉  
之協數年以來在鄧州新野地方往來潛匿地方官並未  
能查察可見搜拏邪教大率拖累無辜而實在叛逆首犯  
轉致任其漏網多年至於白蓮教名目由來已久卽據劉  
之協所誦經文大意亦不過勸人爲善並無違悖字樣劉  
之協之罪犯寸磔在於託名牛八潛造逆謀由自作與  
白蓮教無涉譬如儒生誦習孔孟之書尊崇正教設現在  
川楚陝甘滋事賊匪或有一二文武生員脅從在內豈因

此遂以儒相誦病等而下之其學習白蓮教者持齋誦經原  
 與齊民無異誣因白蓮教內有劉之協一人而遂指習教  
 之人概為匪黨嚴行查禁乎即如賊匪中平日習白蓮教  
 者固屬不少然各省地棍鹽梟之類亦不一而足但經抗  
 拒官兵即一律剪除罪在不赦其自賊營投出者不下數  
 萬人無不一體妥為安置又何嘗跟究其從前曾否習教  
 乎朕若欲禁絕白蓮教何難向劉之協刑求同教之人一  
 一追究且現在劉之協供明脫逃後潛匿河南鄧州新野  
 地方歷歷可據所以不加深究者原以劉之協同教之人  
 但能各安本分原可置之勿論即失察劉之協之協同教  
 朕尚加恩概免追問則凡平日於劉之協熟識容留藏匿  
 之人豈皆令地方官轉加究詰乎劉之協係白蓮教內稔  
 惡最久之人尚乃不肯因此稍有株連况其同教中人數  
 眾多焉有一查究之理總之現習白蓮教者安靜守法  
 即是良民地方官無庸查拏若聚眾煽惑即非素習白蓮  
 教之人必當按律懲治所有辦理劉之協原委及朕不加  
 追究白蓮教至意明白宣  
 論中外咸使聞知欽此

感叩謝

天賦牲醴以

告虔

恭請

上諭從前查辦邪匪劉松宋之清等訊出劉

嚴飭各省查拏未獲迨楚北匪徒起事之初復經

嚴拏原以該犯係著名首要首逆若不經擒獲其餘

黨與無難立時解散乃地方辦理不善四處搜求以致

黨無可容身紛紛蠢動迄今辦理五年尚稽賊事而

協一犯竄逃日久年來各省已視為海捕之犯昨於七

內據馬慧裕奏實郝匪徒滋事經葉縣知縣將劉之

獲奏到時尙恐未必確實旋經馬慧裕奏傳到眼目指

明確將該犯解京連日令軍機大臣會同刑部嚴加

供認鑿鑿以積年漏網之愆今於無意中擒獲實我

考垂慈默佑預示軍務肅功先兆九月初旬朕恭謝

陵茲又獲此渠魁自當虔誠祭告仰慰在天之靈所

一切應行禮儀着上年經理大事之原派大臣等會同

部速議具奏欽此

恩逮樞近臣功紀荆山鑄斯為不朽業鄭重書華箋斯為

甦生民詠歌披慶筵詞客欣吮墨才人儀懷鉛淮西愧昌

黎手寫黃絹篇

留三十三峰堂

卷二十二

九

題林縣薛一峯秀才淇泉獨釣圖

淇水悠悠林慮間  
山重水複水環山  
先生識得游魚樂  
好向莊周問大還

年來臥理清漳濱  
漢碑唐碣尋詩人  
得魚却笑忘筌者  
竿擲柳花飛作蘋

鄒九山中大好官  
文章政事古人難  
勸君歸學譚天口  
同

把西江百尺竿

時西江鄒霞城作林縣令

尺二鯉魚懷素書  
悞吞香餌悔爲魚  
那知野鶴臨淵羨  
不似漁翁結網疏

孟嘗有客歌彈鋏  
北海惟鯤解化鵬  
若使飛潛隨海選  
侯門何苦說多能

題歸善黃辛仲

元堪

皆航圖

并序

按說文皆四皆也詩大雅曰止曰時築室於茲傳  
可以止於是而築室矣王粲七釋不以志易道不  
以身後時進德修業與時同理又按詩一葦杭之  
傳杭渡也箋云誰謂河水廣與一葦加之則可渡  
之喻狹也說文抗扞也从手亢聲苦浪切抗或从  
木臣鉉曰今俗作胡郎切航方舟也从方亢聲禮  
天子造舟諸侯維舟大夫方舟士特舟臣鉉等曰  
今俗別作航非是胡郎切是航以渡言宜从木以  
舟言宜从方說文舟船也古者共鼓貨狄剡木爲  
舟剡木爲楫以濟不通象形凡舟之屬皆从舟方

併船也象兩舟省總頭形凡方之屬皆从方淮南  
子公孫龍在趙之時謂弟子曰人而無能者龍不  
與游有客衣褐索帶而見曰臣能呼公孫龍曰與  
之弟子之籍後數日往說燕王至於河上而船在  
一汜使善嘑者嘑之一呼而航來故曰聖人之處  
世不逆有伎能之士茲故人子歸善黃大元堪自  
號曰皆航其不以身後時與其善呼而航來與時  
哉時哉諒爲伎能之士當如是爾

豐湖十頃玻璃風一葦杭之古榕通我辭豐湖十七載夢  
魂顛倒蘇文忠時擷波邊藤菜美時飽樓上春睡濃莫撞  
道人五更鐘兜元國在迷離中水東日麗控白鶴乘船客



似騎茅龍黃子手出此橫卷肯放使我開心胸呼航往說  
燕王同衣褐索帶偏雍容豈是公孫弟子籍亦非惶恐東  
坡翁時哉時哉當復爾伎能已醒頑夫聾

四百三十二峰草堂詩鈔卷第二十三

惠州 趙希璜 涪川

辛酉

羅浮籐杖歌

乾隆辛卯余讀書羅浮山寺時有孫道士者號百  
餘歲以籐杖爲贈余銘之曰執友每游山則搯杖  
以往今三十有一年矣家中人來猶子忻以此杖  
寄余爲作長歌紀之

我別執友三十年我今老矣君猶前深山大澤霹靂疾長  
松怪石龍蛇纏久已靈根絕附托獨撐健骨摩雲烟孫道  
士年百餘歲斧此作杖尋飛仙梅花村中執我手謂我夢

境何翩翩雙輪跳躑大蛺蝶一縷奔瀉朱砂泉聰明合共  
冰雪淨踪跡不許丹青傳贈我此杖銘執友幽蹊誰識夔  
憐竝雞鳴滄海日初上樽桑看掣義和鞭扶持莫或認鳩  
面光怪直欲迴星躔搜奇彳亍扣紫府有時變化飛青天  
羅山浮山自離合葛翁鮑老何拘牽肱麾擊斷鐵橋鎖袖  
挹頓拍洪崖肩徜徉仙去跨瘡虎嗤笑宦蹟張空拳我家  
小阮憐我老寄以故物歸芸田今日見君如見我御風把  
握相冷然

題李鶴坪

元滬

大令湘帆圖卽送其之官清泉

湘江三月春波平一帆穩送詩人行乘風南指鴈北嚮浮  
雲化雨絮作萍榜聲欵乃出洞庭帆影飛接山光青對君

予懷忽渺渺披圖天濶何冥冥斗酒百篇縱復橫離愁萬  
縷牽復縈鄴中執手一爲別蘿衣薜珮尋芳盟好乞昌黎  
文字靈好頰澧沅蘭芷馨寄語澤畔行吟人衡陽放眼干  
古情

飛絮影

飛揚上下逐游絲軟趁輕風掛別枝片片鷺毛歸縹緲雙  
雙燕子與參差成團亂滾排金闥點水平鋪入研池過眼  
烟雲渾不定東鄰倩女已魂離

落花聲

多因簾幌響頻敲豈是封姨學解嘲此日小鳴誰大扣憐  
君逸韻竟輕拋殘紅剩紫情如訴舊恨新愁面始交春睡

幾番驚蝶夢出簷枝上怯鶯捎

自題散花龕問禪圖

優鉢曇花卽此花色空空色問無遮凝眸看破千重幃微  
笑拈來一念差已證凡軀依淨土不知佛曲唱誰家紛紛  
都向蒲團墮天女雲邊戲釋迦

大生堂餞客戲作

數竿茶竹午陰清坐聽龍孫卸擗聲梵唄正喧花解語風  
光太好佛多情頓開覺路歸無上廣覆慈雲付大生留此  
淇泉芳韻在道旁來往送人行

送歸善張煥階

景星

孝廉回粵

老友似手足況當久離別白首愧同歸青雲嗟浪說梳櫛

馳光陰蟻駒偏狡譎聞君日下來不覺屐齒折誤認君轉  
少君得長生訣君長我兩歲我須杖扶挈仙凡區出處始  
悔生涯拙

同酌羅浮春醉躡飛雲頂紅曦三更升滄海一粟迥此時  
心目開手弄樽桑影天雞鳴喔喔巖壑光耿耿

君住寶積寺我居白鶴觀相距五里遙書聲聞夜半佔畢  
鬼神驚徜徉山水畔時作促膝譚風外幽禽喚明月美人  
來梅花魂夢斷

京華握君手俛仰十六年一官羈我身兩手張空拳往時  
同學人雲散飛各天此別期再會猶以後望前此會計再  
別長結未了緣

大梁節院送顏蔭沆孝廉樾出宰粵西

公慎從教羨二難

恩綸特沛拜

金鑾

恭讀上諭本年大挑各省舉人內有廣東舉人顏樾業經王大臣等公同挑取一等後因張若溱稱係

直隸布政使顏檢之弟王大臣等有意避嫌當即扣除朕

本欲俟會試揭曉後另行加恩今榜發未經中式顏檢平

日居官公慎伊弟本已挑取一等未便因顏檢係屬大員

轉行扣除顏樾着加恩仍作爲一等照例籤掣分發試用

欽此梁園才子齊低首陽朔名峰送到官銅鼓迎神槩瓠舊

蘆笙跳月浪花歡兒童能說伏波事功業天南已不刊

左右江分控百蠻苗裔種類錯千山丹砂踪跡依然在赤

雅風流未可刪作令待君仙骨稱吟詩如我髣毛斑癸卯游粵

西作浪花歌今他年若問羅浮客葛鮑原同鍊大還

十有九年矣

題偃師徐方子秀才宣介石圖

貞吉以中正其幾不終日霹靂一聲出地鳴豫順以動奮  
而疾却從介石覩先生經經不作瑤與瓊安靜堅確其本  
德四瑚六璉非幽貞畫師寫此費慘澹冰雪對爾爭聰明  
一拳之多樂山壽片雲忽墮星流精天上麒麟人中徐陵  
萬斛鴻文千秋令名我儀先生心爲傾溺於豫者百慮盈  
胸期磊落何牽縈爰詞六二防初萌支機手握來銀漢賣  
卜君平興永歎未珍席上同砥硠忍聽汝南評月旦無言  
怪道點頭忙欲乞媧皇煉補方拭几焚香還下拜不妨顛  
似米元章

題新城陳碩士庶常

用光

瘦石圖



老梅百尺蟠雲根寒香清沁詩人魂稜稜瘦骨風雅存  
魄裸體態熊羆蹲有客有客刺投門眎以茲圖吏隱園君身  
高置元龍尊我吹長笛回春溫嶽巖磊落成籬藩陸離光  
怪欺瑤璫爭鳴瓦缶聲何喧此心不轉終無言蒼松翠柏  
陰交繁羨君抱璞還守元南山忽粲流潺湲北溟有物喙  
鵬鯤焉得卓立雄且渾枯臞面繡苔蘚痕一枝疎影梅花  
村當空明月來黃昏

七夕雨

濛濛小雨響芭蕉淚灑銀河七夕橋  
牛女雙星原會少年一度話涼宵

七夕紀夢

禿頭花鵲銜雙魚七襄遠遺天孫書教我巧徑嘿存拙拙  
者智藏巧者愚昨宵乞巧凡幾輩恨不九曲穿蟻珠低頭  
歛衽跪庭下東家欲效西家姝又願夫婦世世守此生且  
夕形影俱使天亦作巧布置爲章何必銀河區使天亦憐  
小兒女我豈復隔東西偶爾今五十有六歲爾於世事猶  
糝糊少年聰明昔自悞垂老仕宦悲齟齬浮名未立髻絲  
白野馬那省塵埃驅折腰每逢督郵怒側肩強隨人步趨  
我取支機鑑汝貌我取片錦被汝軀汝文不能繼燕許汝  
器不能追璠瑜管城本無食肉相歸去好逐烟霞徒恍然  
夢醒忽大笑吏隱園中藏故吾

夜雨

簷溜聲不斷狂風鳴樹梢蓮花隨漏急震電挾梳拋豈是  
滌煩暑分明馳毒蛟連宵還達曙舉目盡鳩巢

屋不沒三版水曾浸浹旬傷心看菜色無路告華紳鄰國

已爲壑

漳河漫溢內黃當  
下游被災尤重

長官原愛民乘舟親勞問一日

散干緡

謂陶蔚  
堂司馬

### 謝榛墓

城南十里小荒坵碑碣重題甫草留

吳江計甫草訪茂  
秦墓爲重題碑碣牛

耳不教持七子霜髭已自老中州康王遺妓銅臺怨詞客  
新聲白雪謳洹水琉璃春夢杳更無人去訪松楸

### 戲答戚鶴泉同年

罷官我稱白髭鬢十六年來笑守株野鶴閒雲無定意不

因風起憶蒹蘆

遷居

登高望遠氣龍葱惟適之安一畝宮但得有樓仙令好何妨近市華門通聞言酒進昌黎蓋非谷盤居李愿風料遂徜徉無不足黃庭晨課碧牕東

寄懷門人吳美存

其彥編修

不見吳生已七年同門惟爾獨翩翩上公朝會班聯首太

史家風父子傳天漢宏才操左券玉堂佳話喜重編

美存散館

已改部曹蒙恩旨仍授編修

國恩三世詞林盛好聽霓裳詠歌仙

述懷

廉吏久不富我今安所歸引嫌甘嘯傲無志戀輕肥家隔  
梅花嶺裝存薜荔衣被他遂初服猶自悔前非

前日出山意爭名卽是貪先生雖澹泊雅量愧泓涵面愛  
折人過狂偏因酒酣誰知游覽久禹穴未親探

新鄉道中

紅日烏雲照眼明泥塗時雨復時晴夢中詩詠君謨句秋  
亦悲哉萬里情

朝霞暮雨冷淒淒天影秋高忽轉低不放太行青一角迷  
濛隔斷那山西

道旁碑

豐碑委荒草德政已投地好官多得錢當日矜位置肩鼎

不能言那識去思字差幸此身輕負重今少憇

### 廣武山

北邙橫亘蔽中州廣武分支據上游漢楚東西爭甬道河  
山疆界畫鴻溝綺筵客去喚撞斗衣錦人歸笑沐猴忍看  
太公登俎日杯羹幸爲若翁留

### 鄭州東龔曉山刺史

南游願見佳公子東道先尋賢主人  
咳口譚天還說鬼滑稽傳爲一翻新

### 新鄭縣謁歐陽文忠公墓

不見遺民奠陌塵巍然孤塚至今新  
楷模後世文章祖規諫先朝社稷臣  
五六書生前仗立二三讒說兩宮親懷中

未出空頭勅簾下迴天是此人

渡潁河

蘭楫輕搖渡潁濱  
鞞紋風動碎鱗皴  
飲牛秋水來巢父  
不見中流洗耳人

葉縣調徐尚之大令

我下高賢徐孺榻  
手彈蕉尾蔡邕桐  
令君亦好真龍否  
一曲龍吟走葉公

題寶夫司馬

穆爾薩理  
中流自在圖

邈矣中流楫悠然自在身  
桃源前度客瀛海問津人  
秋意不可極露白蒹葭蒼  
溯游從伊人宛在水中央

題張秋汀司馬

志鑑  
桐蔭圖

八十年始一爲春養得桐陰似大椿孝友從來說張仲賓  
朋久已仰陳遵未忘先德甘棠茂試對朝陽彩鳳馴翠葉  
龍葱書百忍好看露井墨痕新

九月初五日過大相國寺看菊贈妙空長老

師竟澹如菊我先無宦情花容開滿月佛面笑傾城此意  
有誰領忘言而趣生翛然方外友識得一官輕

昔日友充實招游九月秋七年重到此叢菊是還不歸去  
來新賦須菩提舊儔黃金鋪滿地幻影任人求

祇緣堅酒戒不敢和陶詩煮茗共師飲譚禪退我思芳原  
契幽隱品自傲霜籬已遂餐英願王宏未得知

雅意在離卽妙香何異同都忘秋色老參透釋門空思落



烟霞外人游冷澹中惜花偏坐久歸路夕陽紅

和朱春源

浴

將歸金陵留別原韻

豈作常譚笑發遲與君靜對傲霜枝黃花晚節娛彭澤白  
首同車遜子奇落帽醉逢留別日題餽我亦欲歸時已如  
初服平生願莫賦靈山招隱詩

杜甫歌詩送李舟平陵豪俠重朱游七年嵩岱青山夢千  
里秦淮碧水秋解組好完昏嫁事隨陽合作稻梁謀來春  
我得揚帆去西湖長江天際流

文藻梁園志不違靈仙草草寄當歸對人忍學方三拜縱  
筆能追崔七依風起鱸魚思斫膾雨來石燕看交飛金蘭  
久結同心契薄植何緣托末暉

花磯燕子揮窺窺一桁晴雲影倒回極目烟村黃柳老誰  
家水榭綠簾開九秋共灑夷門淚百里難休甯越才把酒  
離筵君惜別吟詩仔細撚于鬚

獨秀軒感懷

大梁節院獨秀軒余同年盛北畊太守

惇崇

所題

也湯親泉

令名

泐軒前石上曰芙蓉獨秀嗣是居

此者爲同年管蘊山侍御

世銘

而畢弁山尙書撫

豫時揄揚後進宏獎風流吳趨知名之士半出其  
門茲撫石徘徊不勝今昔之感

洞天一品石娛我西園客芙蓉獨秀翠玲瓏階砌縱橫苔  
蘚蝕盛北畊管蘊山題名石上湯親泉栖遲先後于其間

我同倦鳥飛思還雲根拂拭開顏顏清風澹蕩歸曲軒絲  
竹中年懷太傅生徒廣廈都韋布摘詞枚馬受公知入洛  
孫淵淵洪洪雅雅存欣禮遇此石曾支織女機親看柳綠妬桃緋祇  
今瘦骨亭亭立不向人前說是非

感懷二首

論交貧賤不堪聞車笠相逢勢位分顧我疎狂遭白眼此  
身通顯置青雲官真如夢誰先覺鴈正高飛忽失羣伯羽  
叔明  
先後謝世歸去田園何所事老來甘自息勞筋

故人豈忍同行路知己無須更感恩得月樓臺偏近水如  
蘭臭味竟忘言敢誇久宦浮名立試揀輕裝舊劍存獨秀  
芙蓉曾共厲低頭簷下拜雲根

此身

歌聲出茅屋此身奚縛束  
一夜春風生遠山澹微綠  
此身遂初服好結平生歡  
袖手看人奕碁爭一着難